

定山堂詩集

定山堂詩集卷二十四

七言律詩九

百三首

人日友沂園次攜具過尊拙齋招同仲調髯

孫燕友限韻

四首

花朝前一日同友沂子倣髯孫髯淵集雪航

薛雨堂

二首

遂初都諫觀察固原

八首

濮源攜具過遂初齋中言別重送二首

和答次德見贈

四首

濮源宮坊見慰謫官和韻

四首

黃庭表返婁江

余慎旃之任永年此吾持節故地因成一詩

送之

蕭子雲大行守制還里

二首

秀升返里門兼柬同社諸子

二首

初夏齋中藤花大開招吳岱觀張大風趙友

沂唐髯孫同飲其下

三首

爲趙子玉林題小像兼以惜別

田髯淵歸水西草堂

二首

何榕菴郡伯之贛州

二首

髯孫叅軍粵東同洞門友沂大風園次元康

賦別

二首

沈繹堂太史觀察大梁

二首

題施愚山畫冊

李山顛歸橋李兼柬秋岳

和答友沂贈行

四首有序

津門值友人之官浙東方舟卽事

二首

讀友人寄懷秋岳詩和東秋老 四首

中秋滄州舟中 二首

魯壁山總戎相待清源十餘日停舟共醉約
以春至歸江東臨發惘然志感

九日魯挹菴總戎招飲出家伶度曲

過清源道中值徐德蜚中翰北上喜賦四章

用冬夜社集長安舊韻 四首

奉晤張大司空蓬玄年伯於東郡里第壹是
堂因留讌集紀謝一章

織造貢舫終繚河上感賦

舟中雜詩和家木公兄秋吟韻

三十首

和答嵇淑子

康小范枉迓於淮陰道中輟舟相失遂抵八

寶復同李素臣從雨中廻櫓過訪時予方
有墮水之厄歡歎竟日紀謝二章卽用其
移居舊韻

和別小范

辟疆喜余將至相待邗江枉詩垂迓依韻賦

謝二首

酬宗定九除夕寒食見憶二詩

鄧孝威程穆倩宗定九申周伯姚心繩許力
臣師六鄭方旦次嚴李玉潤劉玉少卞雲
郭高蒼巖招同于皇辟疆集衣德堂

定山堂詩集卷二十四

姪嘉稽

淮南龔鼎學孝升著

男士稹今較

弟鼎錡孝積訂

士稚

順治辛卯迄
丙申存筭葉

七言律詩九

人日友沂園次攜具過尊拙齋招同仲調詩

孫燕友限韻

風波定後值芳辰喜過林中折角巾
鬪草社開垂

老日看花天與熟眠身、玉盤行菜青絲滑、雪屋籠
香絳燭、親綵勝銀幡、歡似海雉羅、留得探春人

其二

鵲鵲晴開雪後堤、瑞雲想像繞璇題、天迴魚鳥江
湖濶、道合龍蛇仕隱齊、有客踏歌明月夜、何緣倚
醉帝城西、朱門別是春風路、不礙花間碧玉蹄

其三

江城簫管醉眠遲、開徑頻來二仲時、一自歲星依
北極、幾年香雪負南枝、鷓鴣湘水啼烟草、花月雷

塘過戰旗托興五陵聯袂晚天涯多少蜀州詩

其四

萬乘龍旂拂曙光回中校獵慎垂堂仙萸七葉祥
風轉御柳千絲太液黃海嶠陣雲應奏捷江東才
子競傳觴入春懶慢多增態書報君房未敢狂

花朝前一日同友沂子俶髯孫髯淵集雪航

萍雨堂

千峰花事動春衫猶滯江東雪後帆縱酒世能容
阮籍觸屏語任教陳咸林香破霧龍還蟄藪澤張

羅鳳已凡十二珠簾晴不捲處堂誰與辨呢喃

其二

春愁莫遣鬢毛侵物外謀歡醉至今芳月一簾宜
白袷迴風三歎惜朱琴青驄乍繫幽蘭夢紅粉能
明國士心爲友所耽勝肯辭恒秉燭妬花戈戟正如
林

遂初都諫觀察固原

九關痛定忽驅樽弋後孤鴻竟遠騫左掖封章羣
論伏東都耆舊幾人存頻編虎齒非無罪解妬蛾

眉亦有恩惆悵國香風雨候飄零終不悔當門

其二

幾年烽燧隔山川辟召重乘入雒船天許白雲閒
出岫月移青瑱故臨邊金商夜秘雞栖草玉笛春
開雁磧田曾記江風吹斷柳柴桑高詠昨非篇

其三

子規聲外落花稀芳草綠江綠漸肥惜別夢應隨
客去遣愁人不共春歸裝輕襪被名香護馬到秦
關朔雪飛輦鼓罷鳴增熒遠也疑高枕白鷗磯

其四

列戟鳴笳對晚峰西清回首紫烟重諫臣試吏水
霜久 天子除官雨露濃地震川原三輔異軍興
杼軸萬家從遙知攬轡登臨日落雁春迴絕壑鐘
其五

異時梧竹夾官城交戰爭傳抗疏名北寺黨成銅
馬入西川客老杜鵑鳴縱橫國論喧鈞軸寥落人
才付甲兵蓬轉舊遊同命鳥不堪樽酒話平生

其六

辛苦麻鞋上殿時
玉芝宮畔草離離
萬方圭璧新天步
五夜風煙各鬢絲
晴市柳迴沙苑騎
春愁香度藥闌危
焚餘折檻狂封事
燈火天涯泣路岐

其七

山公謝病臥林丘
海國分攜鄴下游

爲雪師秋岳

彭蠡

雁來還伏枕
刺桐花發一登樓
龍鸞勲業千春薄
烏鵲關河萬里秋
正是客心蕭瑟後
月明誰唱古涼州

其八

石蘿風日感離羣鼓角高城暮靄分子弟弓刀誇
六郡書生裘帶護諸軍蘭成開府文章貴長孺憂
天禁闥聞宣室急籌前席對年來逐客已青雲

濮源攜具過遂初齋中言別重送二首

望衡窮巷共斜陽別路愁看擁驢驢藜楊話深人
薄醉柳花霜捲鬢同蒼天憐黃鵠三春聚夢去青
燈萬里長爲愛能詩何水部秦州句就報西堂

其二

欲去還停白玉珂暫歸鳥不避張羅隴梅曲秦江

春轉嶽色晴分掌露多朝省十年留劔舄生徒四
座盛絃歌李尋正灑憂時淚勿戀東湖舊釣蓑

和荅次德見贈

秋風落葉滯歸裝却掃難虛載酒堂據地一囊原
寂寞憂天雙淚尚淋浪柳花句好春堪醉栗里官
微菊并荒同學盛年霄漢迴繞牀雷雨拭干將

其二

京雒塵消薜荔前隔年相見事紛然詩迴魚素千
山月燈落檐花尺五天白首乾坤歡舊雨青雲風

俗薄高眠貧家結客惟嵇阮簾閣同披頌酒篇

其三

槐棘陰多噪乳鴉投閒名姓謝南衙十年噩夢頻
焚草四月鄉山正鬪茶龍井踏歌煙外屐虎丘放
艇霧中花淒涼馬廐黃扉老滄海綸竿願總賒

其四

歷盡羊腸羨鹿車蓬蒿有客愛吾廬顧厨事往憐
鉤黨絳灌肩隨敢釣譽老大別愁縈燕雀艱難吾
道阻樵漁憑君問訊青谿水還記靈均舊卜居

濮源宮坊見慰謫官和韻四首

天高原不廢狂言經歲寒蟬負 至尊投杼敢疑
三事力蹴芻終恃九重恩官如柳下宜頻黜直在
麻中豈獨存慚愧救時王景略立談慷慨蝨曾捫
其二

列栢難追勁草寒風霽一夕雉羅寬孤踪幸違同
文獄薄宦猶留神武冠道有龍蛇兼出處身偕花
竹問平安狂來僭學金門客支枕南榮日幾竿

濮源

時方
謝病

其
三

蒼藤月過石牀閒，鄰巷春燈夜啓關。
學士銀魚猶物外，野夫鷗鳥竟人間。
盡簪詞賦凌仙掌，看鏡勲名付曉鬟。
鼎足延登公等事，江湖先許倦飛還。

其
四

敢將却輦競昭陽，團扇風烟已飽嘗。
丹地世容龍臥穩，青松交向雀羅長。
賜書東第金昆盛，飛蓋南宮玉筍香。
屈宋自憐驟乘晚，每因授簡一升堂。

黃
廷
表
返
婁
江

不
小
字

風送離亭笛一聲輕颿過雨白鷗迎鳳城花落征

衣改擡窟家鄰戰鼓鳴賦就金鋪懸北極

廷表著前後乾

清宮賦
極博麗

人如琨玉重東京公車刻日虛壇席五府

黃瓊已盛名

余慎旃之任永年此吾持節故地因成一詩

送之

一軍廣武夜行邊舊夢驚回十五年垂柳河山銅

翟外種花風日玉琴前城開菱藕供冰饌地入農

桑減稅錢僊舄飛騰君自卜

慎旃精卜
筮之學

故人歸計

正迤邐

蕭子雲大行守制還里

星使纔停入雒車三春夢繞白雲廬鳳輝共愛桐
陰滿雞骨偏憐草土初海嶠戈鋌愁旅雁南枝霜
霰泣枯魚天涯同學重分席搖落誰披太息書

其二

紫藤花發杜鵑啼片舸輕鷗萬柳低烏樹迴風憂
減性鹿門趁日穩幽栖捧觴佳婦羹湯晚扶杖諸
比棣萼齊漆室補天心轉細三年封事敞金閨

秀升返里門兼柬同社諸子

鶯啼飛絮滿金溝，雲際帆開碧草秋。
一榻賓朋偕脫粟，三春風雨罷登樓。
名高太學防流俗，賦就長楊起壯遊。
還憶論文樽酒客，青燈同白少年頭。

其二

百年生事笑門闌，欽手棋枰局易殘。
吾道自安龍性拙，故人能信鶴糧難。
雲圍芒屨千峰碧，尊浸冰盤五月寒。
夢逐扁舟江國路，輪君高枕閱風湍。

初夏齋中藤花大開招吳岱觀張大風趙友

沂唐髯孫同飲其下

空齋步履似閒僧藥竈書牀逸興乘
薊苑鳥啼春後樹鄉園星聚醉中燈
愁看物態驚心久老傍名花倦眼能
試數翰音槐棘路可如蒼雪一枝藤

其二

五陵金絡柳絲斜玉漱晴鷗亦有家
車馬到門人萬里岑牟被酒鼓三撾
聽鶯笑勸攜柑晚戲蝶風憐捲幔餘
飛絮滿天幽夢繞六橋煙雨莫愁花

其三

石屏雲霽薜蘿春。草杜花憐。閉閣人霞外，凭闌紅
嬾嬾。月中行酒碧粼粼。濃陰接席香。如醉老樹支
樓客。不貧後夜歌呼狂。爛熳莫將芳草當車茵。

爲趙子玉林題小像兼以惜別

吳越扁舟夢已安。驅車重信太行難。客憐羈宦投
魚鉢。貧過殘冬剩鶻冠。滿眼風波知計拙。賞心燈
火憶春寒。武塘烟月中林柳。拂石爲吾選釣竿。

田髯淵歸水西草堂

田子將歸舊草堂。憐予踪跡老烟霜。泖峰花月三

定山堂詩集

九

秋屐鄴下文章一葉裝

有都門文選

陪輦盛名甘脫屣

驚弓岐路忍褰裳
火城沙道春如海
可信人間有故鄉

其二

草堂入夢便成歸
金馬星高且少微
倦愛名山生計好
狂憐京國酒人稀
孤帆短笛迴楊柳
一臥深林長蕨薇
早奏雲門龍戰息
冥鴻還傍九霄飛

何榕菴郡伯之贛州

輕塵酒慢過朱旂
千騎風流居上頭
拄笏幾年圓

草綠鳴榔當日藕花秋

記西曹共事西湖同游也

山川名重周

公瑾歌舞人迎郭細侯聞道江城經鬪伐春山牛
犢緩徵求

其二

風急車門捲暮沙每憐朋好慰天涯詩篇並輟承

明草

省齋昆仲時以詩歌見賜

吏譜今傳宰相家仙掖露因神

雀湛法曹花傍嶺鴻斜南州夜榻連風雨爲報狂

生鬢已華

託詠雪堂夫子

髯孫叅軍粵東同洞門友沂大風園次元康

賦別

翩翩阮瑀更楊修清吹銀鞍出帝州斜日旗亭曾
擊筑客星海嶠一登樓人憐蓬跡關河老月過梅
峰鼓角秋名豈征南書記重喜從天際識歸舟

其二

維下名流幾茂先飄零空悵士龍年設羅門徑交
仍古使粵金裝地已偏萬里烟波催別賦十年杼
軸盡戈船征衣罷酒愁沾淚柳色長安暮雨天

沈繹堂太史觀察大梁

翩翩錦帶映華輶，列戟中原亦壯遊。
幾日宮鶯花照眼，一時鳴鳩草驚秋。
樽前賓客歸梁苑，病後文章讓隱侯。
頭白守立人寂寞，南鴻飛盡不勝愁。

其二

西風禾黍散高原，落日魚龍改故村。
豈有朝廷疎賈誼，却因車騎重爨門。
蒼生河嶽懸雙淚，青眼雲霄仗至尊。
遙憶玉壺秋色滿，新詩鮑謝許誰論。

題施愚山畫冊

欲下輕鷗避海翁，蒹蘆烟水片帆通。
幾人朝省容

高枕滿地江湖羨短篷
葉落秋原經暮雨陰多夏
木會天風卽看彩筆乘輶傳一老先栖圖畫中

李山顏歸檣李兼柬秋岳

孤柯雪霰久蕭疎步屨幽人慰索居
正愛醉吟秋共被却憐燈火夜裁書
高城急雨催征雁柔櫓殘荷傍戲魚
歸到若逢曹子建願依舟里結吾廬

和答友沂贈行四首

奉使出都之次日友沂遣急足以新詩投
送時泊舟潞南荒寺邊風雨寒蓬秋氣爽

颯頗爲同學諸子作牽衣之戀非同白傅
江州聽琵琶曲時語也

雀羅門巷綠苔封文酒時憐舊雨從忽漫飛蓬分
去住眼看衰柳際秋冬江湖伏枕淹雙淚魚鳥全
生仗九重似葉久忘誰剪伐頗聞台鼎不中庸

其二

荻蘆秋雨壓蓬窓萬里風煙指曲江欲下海鷗輕
宛宛背人檣燕語雙雙身經噩夢歸嫌晚頭白蒼
生意已降玉笛紅亭腸轉夜酒痕沾袖對寒缸

其三

祖道東都客在門
觚稜回首一銷魂
傷弓翻羨羊腸轍
負弩還如犢鼻褌
津樹片颿三宿遠
蠻江白霧萬峰吞
拂衣魯國何男子
遷客分明席未溫

其四

龍文歷塊本權奇
京雒風霜倍爾思
世德朱絃天下少
新詞白雪禁中知
雄飛雌伏雙毛羽
楚水吳山舊別離
此去柴桑耕釣就
停雲遙爲倒春卮
津門值友人之官浙東方舟卽事

絡緯聲中客緒煩故交相慰謝塵喧秋燈話傍鷗
沙久幻夢迴驚蜃氣渾南海地逢先北海國門人
散已津門畫熊實羨雙旌出窮鳥空憐萬里鶯

其二

秋原草樹暮霞烘蟹舍魚灣一笛風今夕斗牛占
氣象同時鷹隼下絛籠龍湫晴日原飛雪虎尾纖
雲敢蔽空慙對僊舟稱李郭江湖猶未哭途窮
讀友人寄懷秋岳詩和東秋老

青衫去國改遊踪秋水扁舟逸興濃正愛野風眠

易穩却緣斷岸客重逢寒蟲響亂燕臺月早雁人
過庾嶺松秋岳計將人粵矣流浪十年悲泛梗倦歸筮已
學濟龍

其二

躡屩東吳隱計饒悔同解薜再登朝秋憐海燕先
辭社書隔滙江未上潮南微雲山愁汗漫西清鐘
鼓夜迢遙左官才子非淪落蔽省詩成酒百瓢

其三

盈盈聯步府中趨藉甚齊名陞楯呼命駕烟霜纔

隔歲停橈風浪渺重湖雲羅已盡山頭雀馬角難
歸塞外鳥相見一樽聊信宿楚騷雪涕勝吳歛

梁谿

方羅大獄而海昌
行成故五六及之

其四

布襪青鞵又海涯微名何意點皇華禁城花散如
殘雪江閣文成倚落霞虞寄尺書初抱病謝公碁
墅本無家因君折贈珊瑚句珍重西風八月槎

中秋滄州舟中

蘆花雪浪滄洲道笑啓蓬窓畫泊同節序淒清蟬

咽露客心浩蕩雁隨風卽看玉鏡中天滿試倚蘭
橈落照紅今夜廣寒高處望雲簾冰簟一塵空

其二

吹笳屯戍古城存渡口潮喧到市門人愛宵清爭
繫舫酒浮秋碧一開樽寒郊誰補重茅屋野老愁
看四望軒我欲乘雲訴天帝金墓桂斧渺難論

魯壁山總戎相待清源十餘日停舟共醉約
以春至歸江東臨發惘然志感

對酒輕帆踰十霜

丙戌過此正壁山開鎮時

重來風日值重陽

相憐京國身同遠

都門之別亦四年矣

細把茱萸漏漸長北

海樽壘淹旅騎西秦檠戟歎空囊轉蓬屈指還星
聚春到江湖總醉鄉

九日嘗挹菴總戎招飲出家伶度曲

爛醉高齋菊正秋銀箏絳燭豁羈愁井陘壁在旗
仍赤銅柱功成謗合休萬事浮雲看塞馬五湖明
月屬輕鷗禁中頗牧懸相待四十封侯卜虎頭

過清源道中值徐德蜚中翰北上喜賦四章

用冬夜社集長安舊韻

一笑停颿水驛初飄零人是別愁餘天涯僮僕歡
新晤袖裏詩篇抵素書故國青山秋更好長安白
眼醉須除年來物態催蕭颿擊筑迴看興不如

其二

蘭蒨空憐楚澤居滄江風物近何如已聞瀕海稀
戎馬應羨還山穩釣漁放逐一身隨落葉菰蘆幾
客著奇書賈生太息曾孤憤野水閒雲試掃除

其三

戟陛彤雲待子虛幽花寒月亦吾廬機忘世合寬

鳥交澹人如味笋蔬蟋蟀正唫關塞迴茱萸還
記鬢毛疎舊有九日集小齋詩壯遊入雒堪乘興爲乞冥鴻
信所如

其四

杜陵歲月柴桑酒甲子編年詠不虛好友盡如今

雨到

君紀年集中唱和皆同學諸子

富人敢辱子雲書龍池垂柳

三春別鸞翮飛蓬一網除

詢見未近耗

早共應劉論舊

侶嶺梅江草正愁余

奉陪張大司空蓬玄年伯於東郡里第壹是

堂因留讌集紀謝一章

名重璜溪百鍊完
琴樽履道足盤桓
孤蓬信我烟霜久
四海知公劔舄安
經學管絃開古壁
人情棋局尚驚瀾
時清早協先憂志
飄泊東吳任釣竿

織造貢舫絡繹河上感賦

伐鼓鳴鑼白浪愁
龍旗錦纜盛中洲
江干自急青油舫
天上寧稀集翠裘
親見御衣安浣濯
曾聞使者罷徵求
五花刀尺流黃月
紅女能分袞職憂

舟中雜詩和家木公兄秋吟韻

紅欄碧樹漸江東到處詩瓢伴酒筒萬事迴看如
逝水一歸真不負秋風曼容薄祿初心在彭澤扁
舟早歲同抱膝海天謠詠遠南榮寄傲豈途窮

其二

得填丘壑任衰慵况有琴樽客路從車耳息時人
下澤枕函支處日高春青春湖海停鳴角皓首行
藏付短筇蕩蕩天門開白日夏雲誰幻九疑峰

其三

罵坐書空態總降雲裝烟屐動楓江乍容鳴雁逃

金鏑却放疎花撲玉缸經歲風波喧北部何山梧
竹倚南窓晴沙細穀平如掌檣蝶驚迴宿鷺雙

其四

攬鏡閒憑朔雪欺酒年棋日樂難支東方一飽何
堪傲侯霸三公本是癡清廟犧憐文繡悞赤霄鳳
任羽毛垂上尊槃水須臾事夢醒金甌只皺眉

其五

故人生事足柴扉獨立滄江過落暉倦翮久知林
岫好素鱗能勸薜蘿稀

途次得考威諸子勸歸書

孤蓬嶺海愁

環轍一瞬雲霄倖拂衣招隱移文真縞帶小山叢
桂北山薇

其六

屢空高齋恒晏如窮年寂寞守玄居病回五嶽堪
攜杖老去三閭未結廬無累鹿門偕隱地最馴龍
性絕交書閒情託寄還焚硯不遣微雲點太虛

其七

路厄孫劉事有無行藏蕭瑟一樽孤關山雨雪聞
橫笛朝省風雲悔濫竽世事險如探虎尾南枝香

定山堂詩集

欲上蜂鬚鴟片舸凌千頃不鑄黃金亦壯圖

其八

濁水清塵豈易齊五雲回首片颿低賣漿擊筑空
悲憤射覆投壺自滑稽日麗軒墀無寵鶴霜青茅
店有聞雞站鳶老大羞銅柱乘興居然類剡溪

其九

投老湖山願未乖風烟滿地一青鞋香飛急管金
樓曲醉倚名花玉篆牌斜日幅巾隨野眺勝游羣
從暢幽懷八騶七尺誰堪羨大有餘生蔗境佳

其十

浩蕩雲飈恣往來，燕昭臺望鬱孤臺。
懷沙蘭蕙紛奇服，入雒文章總禍胎。
他日柴荆留歲月，此行巖壑感風雷。
深燈酬勸河干酒，一笑巡檐索共梅。

其十一

謝家詩卷阮家貧，茅屋荆花自結鄰。
窮鳥轉淹連榻話，歸鴉先報倚閭人。
投閒車騎慙休汝，痛哭封章抵過秦。
春草又看江上別，白蘋風雨送孤臣。
舍弟

同本兄歸
先報老母

其十二

飲章錄牒急同文

時方湯黨禍

敢謂龍門似李君貝錦

命纔迴斗極寒灰心轉笑浮雲柯亭舊侶孤絃折
蓬鬢秋霜四海聞何日名山傳黨錮濁流終古藉
堤墳

其十三

側身浮世百憂繁往事頻銷逐客魂五夜淒風迷

貫索

記癸未忤時和事

半生白日送戎軒掃門徧懶公孫

閣抱甕長虛仲蔚園高臥殘年容嘯傲肯因搖落

輒聲吞

其十四

候火軍書隔舞干刀環萬里月中看求金少府梯
航疾捲甲南徐井竈安銅鼓五溪封積霧樓船百
越亂鳴灘務農息戰何年事諸將功名盛築壇

其十五

南畝蒿萊已半刪市樓燈火映重關流人漸許稀
徵戍羣盜何憂更滿山扶杖恩膏三輔外橫經几
席八窓間調羹辛苦煩黃閣拂袖能容擊壤閒

定山堂詩集

七言律詩
三十

卷二十四

其十六

清談名理間逃禪
花底經聲繡佛年
小閣已虛啼
鳥徑輕裝不載買
山錢蒼藤細草霑
吟屨破硯殘
書綴畫船安得春
田操作暇蟲魚日
伴老夫箋

其十七

極目滄波興乍騎
數峰青更隔江招
穿林烟霧迴
幽磬捲幔樓臺出
洞簫漫向谷風吟
苦葉且寬彈
事到甘蕉枕柳雨
霽移征舸忍負東
吳二月潮

其十八

小草頻年困繫匏。鵲棲何地一枝巢。鎔容雪夜蹲
鴟熟。壺爲長歌老驥敲。漸喜東華埋姓字。却憑南
岳解譏嘲。疎狂客至蓬蒿掩。好事無勞載酒肴。

其十九

風塵詞賦愧枚臯。挾瑟平辭鄠杜豪。鈿扇正開椒
殿迴。彤雲真倚栢梁高。青葱樹好棲鸞鳳。黃綬官
難敵。蟹螯星借少微聊。作使也持湛露灑江濤。

其二十

物論猶聞怨澗阿。賓朋命駕入山多。宦情冷盡風

定山堂詩集

七言律詩

卷四

中籜幽思繁如雨後莎自耐秋螢閒白羽更無春
黛點青螺東都冠蓋飄黃髮爭向驪駒挽玉珂

其二十一

續史談經漢大家蘭臺東觀事非賒尺書勸我團
瓢勝逸興遙憐杖履斜長日爛柯消貝葉絳雲劫
火湧琪花妙香擬築維摩室楊柳青谿舊覆鴉

得虞山
先生書

其二十二

西溪竹樹渺雲莊藜榻銜杯夜語狂人憶玉驄分

紫陌夢如銀漢隔紅牆柳邊射鴨風千縷屋角啼
鶯月一方獨有鳳池陪從暇龍潭秋水思茫茫追
遠借隱之約
并及聖秋

其二十三

太平鈞軸薄浮名厨俊虛傳倒屣迎

余以沽名蒙譴

上殿

虎爭心已倦乘風隼擊氣須橫敢言摘比黃臺蔓
終恃天容白馬生舊雨再逢如隔世江干燈火急
飛觥

其二十四

定山堂詩集

七言律詩

卷二十四

驚心曾似夕陽亭浪跡還疑水上萍烏柏帶霜秋
雁斷紅蕉吹角逐臣聽人憐襤被三冬遠帝許
看山一路青計日游嫌開柁晚金風落盡菊花鈴

其二十五

中朝風度凜凝丞強項諧時事豈能法從已停沙
苑馬諫書空叠剡谿藤分張鴻爪留春雪占測鵬
班怕木冰爲羨振衣匡嶽頂萬峰秋並玉稜層
言路一時多麗謫籍而章江
先生之堅臥爲不可及矣
條大

其二十六

斗山碧水夾華輶，纔報褰帷已掉頭。
上考無如輕薄士，左官聊洗瘴烟愁。
平消嵇呂追攀跡，却話江湖偃臥秋。
鼓角臨渝衰草白，幾時纔共赤松遊。

中考功法鑄一官
海昌方在塞上

其二十七

藥裹栖遲據地心，江山憔悴更行吟。
金閨葉落憐秋枕，樓蓋雲寒到暮砧。
豈有巖徐偏泛駕，偶諧僑札輒焚琴。
蕭條季重憐同調，悵望弁園十畝陰。

濮源兼
及梅村

其二十八

多生結習繞烟嵐石老泉香半偈菴二自遠公容
入社十年彌勒與同龕青松揮麈人頻散枯樹攀
條淚豈堪幽澗肯餘瓶拂老竹林斜日記攜柑道
德宗達音諸上人一時
俱逝復不得筭菴近耗

其二十九

海南風物譜紅鹽錦荔蒼榕萬嶺尖蠻石棹惟明
月載雲山衣肯早春淹平生處默香投水歸去君
平晝下簾蘿屋天寒脩竹裏薄烟疎雨耐兼緘

其三十

避讒策已決三緘答客書真倦百函有酒貧堪調
綠綺無官淚不灑青衫汝南月旦仍遺老江左風
神果石巖寄謝貴游吾割席長淮今日過征帆

和答嵇叔子

上山何敢咏薜蘿憔悴兼非楚大夫自愛雲林逢
故國不辭雨雪向天隅餐霞中散交偏久吹笛哀
宏興易孤烟水拂衣吾事了黃金難鑄五湖圖

康小范在迂於淮陰道中輕舟相失遂抵八

寶復同李素臣從雨中迴櫂過訪時予方
有墮水之厄歡歎竟日紀謝二章卽用其

移居舊韻

菰蘆命駕慰離居今雨人如舊雨初鷗漿曉寒來
二仲蛟宮魂返笑三閭荒江燈火南州榻世事風
波北闕書早晚薦雄陪羽獵莫因論蜀侈相如

其二

月旦高名薄海聞結交風義更如雲六朝家築清
言里五府壇虛處士羣黃琬典章傳自昔薛宣東

閣客輪君

小范出秦郵相國之門而尊公又舊德

倦游擬息鍾山駕

揮塵匡牀對日驥

和別小范

投林計就復何尤萬事全輸七尺留好友楊連風

雪夜寒濤晴動別離愁一行書信江鴻遠

時附書令弟上

若十月關山錦樹秋古道臨岐敦贈處蒼茫獨立

待移舟

辟疆喜余將至相待邢江枉詩垂迂依韻賦

謝

歸鴻又幸再生餘每到邗江卽故廬百里烟波天

際夢

錄吳陵棹雪至

七年涕淚袖中書人同白雪絲難繡

詩就朱琴玉不如誰向名山占象緯酒狂星已聚
樵漁

其二

生死論交有幾人喜多驚定轉傷神那堪垂柳楊

州月追數飛蓬玉塞春病起汝爲今世客

辟擬有回生事

奇網寬吾乞太平民紀羣更愛風流遠犀角龍文

並絕倫

酬宗定九除夕寒食見憶二詩

狂奴故態已全除，鼎足猶嫌買菜書。
望岫久宜歸倦鳥，過河安用泣枯魚。
椒花夜媚遙天碧，楊柳秋驚客鬢疎。
惆悵危瀾魂乍返，銀箏金管雪消初。

其二

花發蕃釐憶洞簫，天風今夕送歸船。
人憐中酒春三月，夢訝聞歌廿四橋。
交道艱難存雨雪，畏途曲折到耕樵。
臥遊圖畫推宗炳，爲報中林有掛瓢。

鄧孝威程穆倩宗定九申周伯姚心繩許力

臣師六鄭方且次嚴李玉潤劉玉少卞雲
郭高蒼巖招同千皇辟疆集衣德堂

竹西絲管賦歸年高宴羣賢塵尾前馬角江山迎

蠟屐雁行文酒代花鈿

戲爲
于皇

蘭亭梓澤還明月朱

戶黃扉幾暮烟久信龍門輪塾角開樽虛擬話登
僊

定山堂詩集卷二十五

七言律詩十

百廿二首

語溪夜泊同孝威用秋岳舊韻

喜伯紫來晤舟中時仲冬望後一日也率爾

言別卽事二首

先大父奉直公以分水令攝篆桐廬秩滿擢
州守卽日謝病歸余時甫五齡侍行今三十
十餘年往矣

姜二酉水部生日寄祝

玉山舟行趨饒江

二首

望龜峯

風逆晚抵安仁

和空同韻

和秋岳留贈筴江上侍御

四首

新淦道中見新月

望玄壇觀

和空同韻

過惶恐灘感文信國舊事

虔南雜感

四首

遊峽山寺

舟中立春

嶺南元旦次秋岳韻

人日同張登子鄧孝威遊海幢寺訪澹歸上人

一首

海珠寺丹霞臺眺望

二首

和別澹公

二首

春日遊粵秀山

西洋布

西洋燭

定山堂詩集

目錄

卷五

三遊海幢寺 二首

和秋岳遊五羊觀四首同程周量作

佛山過訪鄭無傲和秋岳韻 二首

遊七星巖 四首

端州喜唐髯孫出晤

酬別制府王公燦斗 二首

寄別登子和豫公原韻

鎮帥公言侯公任送三水卽席留別 二首

寄別李端吾撫軍

寄別袁亦文觀察

寄別錢黍谷督學

寄別胡冲菴觀察

寄別易通玄都閫

寄別陳公季都閫兼柬長生司李

寄別沈止嶽少叅

寄別史立貞方伯徐符嶠郭仙巖林雙城諸

觀察

春日登觀音巖和壁間韻

二首

和答曾旅菴觀察

留贈周天近觀察

留贈張荆山副戎

留別洪瑞玉司李

寄王園長先生

花朝雨中扶病過梅嶺時天已暝矣

二首

酬別趙韞退觀察

二首

和秋岳登滕王閣兼美蔡中丞四首

暮春同徐元歎游支硎

答旣庭

二首

訓研德候子

鄧尉山中和堆山和尚華嚴法會詩

白椎菴拜道公墓和蒼公韻紀感

訓朱望子同集周靜香自香池上

二首

訓姜真源侍御吳門讌集

四首

程仲玉觀察閩中過訪吳門賦此送別

留別彥遠

歸自淮陰爲子停帆五日

答濮源宮允

二首

答澹心見題茂苑不至之作

二首

答于皇喜予至白下四首

過于皇饑鳳軒次韻

青溪中秋諸子讌集吳詠亭

四首

伯紫招集孝侯臺秋眺

二首

寄侯馮秋水方伯

二首

飲與治齋中

二首

秋日偕澹心伯紫子翥過寒玉郊園小飲竟

日

送有介還閩兼憶櫟公

答許菊溪憲使

二首

別程端伯侍郎

二首

贈別王子蜀隱

孫秋我五十賦贈

真江舟中對月柬杜二于皇

于一伯幾蒼略子翥秋我杓司伯紫澹心綺

季諸子別于燕磯

二首

扶曦枉送淮陰志感

二首

定山堂詩集

五
目錄

八寶舟夜紀事
一首

卷二五

定山堂詩集卷二十五

姪嘉禧

淮

男士祺全較

弟鼎璚孝積訂

士稚

順治丙申使粵迄
康熙辛丑邸舍稿

七言律詩十

語溪夜泊同孝威用秋岳舊韻

急槳衝冰野堠天
亂峯雲壓柁樓前
更闌淚暗窮交酒
地僻江寒戰士船
醉李自增傾國恨
夫椒應

著復讐年燈花岸草紛愁思故壘興亡總逝川

喜伯紫來晤舟中時仲冬竈後一日也率爾

言別卽事二首

衝泥雙屐破重湖寒夜開燈客話孤一自蒲葵分
急雨三年鬢髮老危塗眼看畫漿迴魴鯉歸到春
愁訴鷓鴣羨汝柴荆堪卒歲天涯明日有懸弧

爲余
生日

其二

經年南北感離羣暫聚天涯手重分積雪千峰明

晚翠橫流一棹截斜曛同心幸藉煙霞侶念汝還
開篋笥文錢武江頭滂回首西風霜雁落紛紛

時同

舟有弄
威个七

先大父奉直公以分水令攝篆桐廬秩滿擢
州守卽日謝病歸余時甫五齡侍行今三
十餘年往矣

平世栽花小邑寬玉琴朱紱倚嚴灘子孫何似桐
鄉愛父老還同峴石看奇傲門庭容五柳吐雲懷
袖養千竿

先大父拂衣詩云蒼蒼岫上雲隨我袖
中去歸築深柳堂壇樂祠高臥謝客者

定山堂詩集

七言律詩

卷二十五

年二十心知述祖慚康樂勇退寧嗟行路難

姜二酉水部生日寄祝

盛世才華第一流東都祖德繼弓裘黨人甘受連
株累壽愷長令碩果留千帙等身傳琬琰五花繞
膝走驂騑山中歲月優如許多少雲霞杖底收

玉山舟行趨饒江

徑轉峰迴失遠洲扁舟欹側坐牽愁雲移石壁寒
籠日夢穩漁磯曲枕流山縣市荒稀泛蟻空江笛
細不驚鷗遙憐吳苑風花早海國春歸萬里樓

其二

亂葦寒沙斷客魂鳴雞呶水車喧地經層岨天
疑黑峽關中流浪卽翻白晝弓刀防伏虎孤舟江
國伴啼猿淒涼野飯虛葵藿何似田家老瓦盆

望龜峰

江嶺雲荒積翠稀盡依三十二峰歸因貪暇日推
蓬臥又見羣巒落照微四面濛波開碧鏡半天飛
霧捲征衣何時絕頂臨烟舸扶曳支筇興豈違

風逆晚抵安仁

和空同韻

下瀨帆膠古汨濱漸愁物色換江春千重嶺路空
殘日萬事風煙總後塵估舶漁舟波自迅山雲岸
樹晚還親中流他夕緣明月肯滯鳬鷺浩蕩身

和秋岳留贈篴江上侍御

江城幾日偃弓刀共說理輪使者勞蒨屋心憐霄
漢細栢臺地仗雪霜高豈因勁翮愁孤隼漸有清
流出怒濤到愛王珂頻把手鬢毛蕭颯感征袍

八二

九天持斧慰雲霓升禁親將姓字題豺虎已看南

服靖驂騑眞讓朔風嘶祝轅朝省心曾折攬轡乾
坤事不齊江閣孤吟愁過雁一時逐客路俱迷

其三

經秋紈扇冷瑤宮絺綌風淒思未窮磊落人才車
廐外艱難吾道諫書中何來舊雨雙龍劍羨汝青
春一馬驄遊倦碧山堅秉耒治安勿數進賢功

其四

急纜寒湍萬里牽薄裝垂老剡谿船蕙蘭風義存
三點萍梗雲山補百年英俊竝遊寧坎壈微詞難

信是聯娟褰裳嶺嶠還西眺白鹿心懸講席前

新淦道中見新月

水驛浮沙接渺茫帆迴曲岸總羊腸扁舟下瀨思
他夕新月愁人似故鄉向夜征鴻偏歷歷近山烟
樹各蒼蒼遙知香霧疑虛幌玉鏡難乾漏正長

望玄壇觀

和空同韻

十載江山戎馬後高車絳節亦難安丹霞想像曾
飛閣翠嶺岩巒只古壇瑤草金芝何寂寞哀湍怪
石故陰寒晴清更擬層樓出天北浮雲拂袖看

穀騎沸羹時已失揚湯牽羊在落單車節墮馬爭
開邸第粧誰向南天殊死鬪萬山吹角勢全荒

其四

傾郊漫指翠旗迎枕席江山已度兵佳氣無諸虛
白水錦衣句踐散孤城征南銅鼓長沙戍橫沔樓
船下瀨營華表鶴歸應目斷嶺雲深處鷓鴣鳴

遊峽山寺

夕陽停棹亂峰迷仄徑蒼雲插峽低戰後地憐飛
錫斷陰多天逼老猿啼蕭梁人代空碑碣帝子亭

臺總蒺藜十丈懸泉驚落幔快游真羨倚崖題

舟中立春

罷酒天隅感鬢華客心驚對日南花春王自布條
風令星使虛淹北斗槎萬里紫宸喧佩玉三冬白
浪送鳴笳館娃今夜刀環月應逐銀幡綵燕斜

嶺南元旦次秋岳韻

雲書瑞筴海天晴虎拜南荒及罷兵官柳歲移違
曉仗蠻花春滿出雙旌消愁舊侶心真醉厭亂蒼
生眼倍清歸愛白鷗烟外舸飽看鷁鷺赤霄行

白水錦衣句踐散孤城征南銅鼓長沙戍橫海樓
船下瀨營華表鶴歸應目斷嶺雲深處鷓鴣鳴

遊峽山寺

夕陽停棹亂峰迷
仄徑蒼雲插峽低
戰後地憐飛錫斷
陰多天逼老猿啼
蕭梁人代空碑碣
帝子亭臺總蒺藜
十丈懸泉驚落慢
快游真羨倚崖題

舟中立春

罷酒天隅感鬢華
客心驚對日南花
春王自布條風令
星使虛淹北斗槎
萬里紫宸喧佩玉
三冬白

浪送鳴笳館娃今夜刀環月應逐銀幡綵燕斜

嶺南元旦次秋岳韻

雲書瑞莢海天晴虎拜南荒及罷兵
宮柳歲移遼曉仗蠻花春滿出雙旌
消愁舊侶心真醉厭亂蒼生眼倍清
歸愛白鷗烟外舸飽看鷁鷺赤霄行

人日同張登子鄧孝威遊海幢寺訪澹歸主人

雨後經行祗樹林石欄橫屐碧苔侵佛雲不改清
流色人日偏宜海國陰過歲白花飛蝶早當時赤

捧伏龍深旅辰暇肯虛蓮社一飯青精萬里心

廿二

盡收殘淚臥空山鐵甲風霜隻影還天外赭衣飛
戰血井中青史問柴關團瓢世隔文難隱出處心
傷鬢已斑他日誅茆叅半偈可容同臥竹坪間

海珠寺丹霞臺眺望

蒼蒼烟霧捲潮迴客袂凌風海上臺地徙鵲簷軍
壘出門臨蜃嶼估帆開方春榕樹浮城郭窮戰花
田間劫灰濠上太平諸士女千船簫鼓夜珠來

其二

載酒輕陰暮未收，憑高一放瘴鄉愁。
青春雨洗田橫甲，白雉人看博望舟。
石碣古苔連弩暗，佛燈殘影抱龍浮。
花天絕域懸吳越，矯首雲中碧玉樓。

和別澹公

藜牀急雨響深更，鞭血麻鞵夢不驚。
容膝天難辭萬里，入林臂已許孤行。
君親出世恩原重，兵火磨心老自平。
苦語臨歧同努力，早銷慧業竝藏名。

其二

茶瓜留客屋邊詩
鷹爪蘭香拂磴時
春靜石幢流水到
心灰厓海暮鐘知
清言捉麈陪支遁
白首還家笑總持
未飽荔支公又別
嶺南真自繫相思

春日遊粵秀山

木棉花爛四山紅
春晝攀蘿到梵宮
樹色迴浮樓觀日
經聲捲海潮風香
銷歌舞珠簾外頭
白登臨戰馬中臺
上鷗鵠啼碧草霸
圖猶憶昔人雄

西洋布

白霧晴開萬里船
尚方刀尺淨烽烟
火洲色讓蕉

定山堂詩集

七言律詩

卷二五

麻上驚毳香浮玉雪前何國繭絲繡並細幾家橫
幅錦同懸皂綈深殿勤三泮漫綴侯門綺繡筵

西洋燭

水晶簾箔倚微風
髣髴輕烟出漢宮
蟾魄露晞銀箭外
鮫人珠束玉盤中
扶南炷不灰瓊樹金鉞光
同泛綵虹夜夜流輝霑蔀屋
坐銷戰燧海天紅

三遊海幢寺

輕風海岸拂樓欄
戰地重開貝葉居
飛蓋霧沾春屨濕
泰谷招同秋岳符
峒通玄冲菴共遊
談經香散午鐘初
繁花舂

日頻移楫高枕天涯似結廬自愛津梁依法席南
華兼到北山書

其二

鷲峰雲外敞層濤倚醉逃禪興亦豪鷗夢百年消
竹院虎谿三笑出蘭臯

是日華首老人送予
山山門珍重言別

沙明

野翠侵簾入路細春林湧檻高淨業久忘桑下戀
將離客思轉蕭騷

和秋岳遊五羊觀四首同程周量作

鶴歸未信海城墟縹緲琅璈帶甲餘地迴霞衣瑤

石見香浮雪穗碧幢虛

每穗一莖六出

仙顏疑駐千春藥

年表難稽四代書

或云周顯王時五羊街穀萃于楚庭或云漢趙佗築城時或云

吳滕修及晉郭璞時

安得兵銷闌闐樂金芝長繞化人居

其二

琳宮躡屩記重遊丹室花明散旅愁
幡靜斗壇迴遠霧樓開軍角隱芳洲
春鐘薜合天風吼古甃陰多島日浮
靈蹟屢移飛炬熄鬱蔥烟樹至今留

其三

洞門雲細拂砂牀幽沼涵風薜荔傍
誰向龍宮穿

玉乳真看石掌汎瓊霜禹糧堯韭晴長潤蒲澗蘭
湖近不荒更擬流杯呼皎月青天鰲影落蒼茫

其四

磴道凌空逸眺偏心搖萬帳壓山年地經轉戰城
雲黑春入層臺海戍連銅柱風煙餘落照朱門歌
舞競浮天閒憑羽客探丹訣愁鬢能青石竈邊

佛山過訪鄺無傲和秋嶽韻

停帆寶地快初逢珠海鶯花到幾重門對晴沙開
蔚荔人疑蒼雪削芙蓉林泉春細增遊福煙水鴻

歸飽戰烽三徑求羊還卜夜狂夫態許醉鄉容

其二

鄴下論詩嶺嶠春芳洲容與得閒身披帷琴帙陰
偏惜求友河山遠更真二晉韻留瓶拂語一林天
合嘯歌人壯懷徙倚橫江楫暫臥東臯折角巾

游七星巖

高城春靄動羣巒斗氣平驚積翠千菡萏浮天青
七葉龍螭蹴鐵勁千盤斜飛珠閣蒼林擁細拂雲
簾碧乳寒花日炎蒸偏五嶺乍來陰洞逼秋看

其二

南溟一壑盪珠光
水氣全涵絕壁蒼
忽漫晴天森霧雨
倒翻大地吐星芒
捫蘿昏黑開猿徑
撾鼓茫茫壓海霜
玉戶玲瓏深出沒
山精應伴老蛟藏

其三

亭暄碧草接溟濛
日麗牙旗映酒紅
地入戰場殘碣在
幢分青昊亂烟通
牂牁烽息驅蠻象
苔蘚牀虛臥石龍
錦幕半山仍較獵
回看丹碧倚崖雄

其四

招攜滑磴湧盤雲紫竹蒼榕嶺路紛絡石樹根誰
劈削射江霞氣此氛氲天爭一線穿蛇棧僧定孤
峰散鳥羣結隱共搴瑤草去下方金角已愁聞

端州喜唐髯孫出晤

一別龍松正早秋珠鞭曾羨海天遊卽今萬里春
鴻到尚及千山戰鼓收歸去定尋彭澤徑登臨轉
戀仲宣樓詩成幕府堪橫槊自遣他鄉玉笛愁

酬別制府王公燦斗

洞壑晴開試馬風郊坰小隊出花叢春星客醉迴

丹後舊雨情深折簡中雙屐烟霞歸謝眺一樽吟
嘯倚山公卽看銅柱銘雄略拂蘚磨崖萬仞同

其二

雲霄拜印急南征百越風烟指顧清裘帶迴開羊
傳閣鯨鯢真避亞夫營但令赤紱同憂國豈有君
生愛弄兵醉倚玉壺重把手故人計日問昇平

寄別登子 and 豫公原韻

幾地携筇共夕陽玉簫歌罷惜離觴朱樓醉已
堤曉碧嶠晴牽海月長花發羅浮雙鳥遠夢回剡

曲一闌香臨岐更結芳蘭佩細裊爐煙送客航

時

各香

贈別

鎮帥公言侯公枉送三水卽席畱別

春潮牙戟動軍城柳慢紅亭逐早鶯沙路手攜征
袂煖風燈心傍細樽傾移花正愛千山曉贈研真
知一水清已遣客愁離瘴海片雲回首故人情

其二

京雒朋簪盍爽鳩幾年春草夢未旂客逢窮路偏
青眼淚灑蒼生並白頭鐵甲只今銷戰伐珠崖還

薌罷徵求勿嫌秉燾淹歸袞將相同關廟社憂

寄別李瑞吾撫軍

卷慢名花絳蠟鋪將離重爲倒春壺風清銅鼓雙
鸞起雪淨珠濤一研無豈有朝廷淹袞舄懸期
徵調罷江湖分攜霖雨瞻南極不獨滄洲旅思孤
寄別袁亦文觀察

下瀨戈船鐵騎屯當今此事竟推袁書生百戰殫
碁過南徼千山聚米論物外狂能憐阮籍天涯心
忍忘虞翻漢庭四世懸公望莫倚文章補國恩

寄別錢黍谷督學

畫簾冰雪對蘭湖講席諸生擁大儒禮樂兵餘仍
百越文章世系久三都卽看官月浮仙掌歸待江
花坐玉壺錦瑟春風燈火夜湘靈一曲興偏孤

寄別胡冲菴觀察

銅盤春爛海雲斜重繫離亭白鼻騮座人孔融將
進酒樓開王粲欲浮家幾年行馬通侯戟一臥啼
鶯杜曲花惜別感時同涕淚軍城萬寵倚量沙

寄別易通玄都關

雙戟春風動玉盤歌鐘鄰院漏頻殘何人握手偏
心折此別銷魂倚醉寬驃騎幕留珠履集崖門潮
濺鐵衣寒還憑細語清樽月海雁緘情萬里看

寄別陳公季都閩兼東長生司李

解裝瑤館及條風誦義真憐陳孟公幾夜繁花春
載酒一帆沙月客飄蓬攤書琴靜烟林外護將弓
懸海日東漏永元方應對榻千山回首旅情同

寄別沈止嶽少叅

雨過蒼梧到客航青林薄醉共褰裳齋題却研幽

篁滿峽迴迴舟步履香朝議佇徵蕭內史蠻天端
仗沈南昌挽弧躍馬風流勝指點雲山舊戰場

寄別史立貞方伯徐符嶠郭仙巖林雙城諸
觀察

蓬轉孤雲碧海寬平原萬里接清歡風迴驛柳春
衫改水滌官齋玉甕寒何日樓船軍竟罷遙憐杼
軸淚交彈匡時實倚澄江楫前席宵衣問治安

春日登觀音巖和壁間韻

曲磴風花響碧江誰劖層鐵吐珠窻凌空天乍寬

鰲極拂石雲真動寶幢隔岸煙嵐浮玉几循欄春
畫爛金缸何當更掃峰巔徑坐結跏趺影一雙

其二

穿緣石戶淨無泥鳥道窮開窟窟梯蓮葉倒懸千
滴乳蘿陰光透一層堤舟排虹澗臨崖縮地逼龍
腥架壑迷猶記隔年霜月滿梵音人語亂鳴雞

和答曾旅菴觀察

天涯弩矢媿前驅倚棹龍門興未孤旅話醉偏霑
一夕春衣香欲到三吳兵餘吾黨延津劍嶺外清

名合浦珠荆楚少年頭早白

旅卷官襄陽時
余方爲蘄春令

文人

仙佛是雄圖

留贈周天近觀察

江臯烟霧泊歸槎
庾亮樓開錦燭斜
人對醇醪淹玉盎
地連湘楚靜春筵
官齋自飲廉泉水
妙偈還拈般若花
太息南天民力竭
暫留霖雨長桑麻

留贈張荆山副戎

人座香連羽蓋生
征南裘帶伏波營
醉霑油幕常花濕
春澗蓉江鼓角清
雙屐園碁頻奏捷
七年傳

箭有歸耕卽知燕領通侯近風雨曹溪此夕情

留別洪瑞玉司李

招攜沙路野雲盤帆逼浹洗一水寬歸夢遠憐江
柳碧法曹清對嶺梅寒春風革帶加餐好戰日爰
書雪涕看千尺碧梧宮月迴待君彩筆動長安

寄王園長先生

耆舊過逢薜荔陰貞元人代隔朝簪濃花寺靜青
春入玉塵江寬浹日尋學道戰餘玄鬢健懷人天
外嶺雲深龍潭飛瀑蓮峰月一臥湖天把袂心

花朝雨中扶病過梅嶺時天已暝矣

一春陰靄却花朝
草細青泥馬不驕
過雨蒼松渾碧淨
挿天孤嶂果嵒崿
健遊豈勝窮歸樂
鄉夢難因旅病銷
莫向島門重寄眺
連山兵甲隱漁樵

其二

路危曾不改烟嵐
昏黑偏將絕壁探
香入岸花搖石峽
林開風磴響幽潭
鷓鴣聲送蠻雲斷
猿狖天驚紫霧含
欲洗客愁須并日
茶香笋綠到江南

酬別趙韞退觀察

螺峰細雨長春波，花外衝泥皂蓋過。同是轉蓬天
萬里，却憐伏枕鬢雙皤。淚懸瘠土傾車甲，心折青
雲有畢羅。華館繁星喧櫪馬，應劉宛雒已無多。

記花

朝社集秋岳
齋中舊事

其二

空江客思繞啼鶯，沙漲青燈錦鯉行。舊雨關河雙
槳夢，好春愁病一樽情。焚餘諫草金莖濕，袖到新
詩玉笛清。多少蒼生前席待，年來溫樹稟公卿。

和秋岳登滕王閣兼美蔡中丞四首

江城勝地重高閣垂老偏驚亂後逢
萬里到門沙瀨舸四天吹霧曉簾鐘
林開戲蝶過芳嶼日射蒼蚪捲翠峰
油幕散香人洗甲耕桑歌舞及春濃

其二

海徼晴峰偃八蠻江流明月映刀環
雲霞橫吹曾千騎今古憑欄只遠山
詞客名隨芳草在烟波地接戰場閒
婆娑漫羨南樓展廣廈春風已萬閒

其三

燕去朱門落照深龍沙風雨未全沈
檻空吳楚高

城目天人悲歡獨立心鐵戟煙銷臺榭出春潮笛
起柁樓陰千秋開府憐才意莫遣鳴笳蔓棘侵

其四

江湖襟帶上游高形勢南天拱節旄出牧于今歌
帝子弄兵自昔有波濤畫簷拆靜眠鷗熟武庫霜
清命酒豪憑仗仙帆催旅雁蘅臯花細解春袍

暮春同徐元歎游支硎

輕帆過雨指花宮一水沿緣薜荔通地接支公揮
麈近人逢徐穉入林同春波笛細眠鷗外芳樹燈

寒晚磬中詩酒敢言驅使健他時鄰竝許山翁

答旣庭喜予自嶺表歸

扁舟雨雪散英游花老重歸故國樓一臥長卿稱
病日千峰才子著書秋月明銷夏人將別吟入南
荒句總愁獻策正開閭闔待蒼生沾灑對宸旒

其二

久甘避世老墻東忽漫天涯感路窮四海心期樽
酒外百年吾道轍環中吳山擬買頭先白海戍經
春火尚紅搖落未須愁宋玉蘭臺夙倚彩毫雄

訓弟德侯子

一代清門風節高冰壺今得映同袍北山薇蕨芳
林長南海煙波旅旅鬢勞座密蘭皋春進酒香分玉
案夜含毫名成可易堅龍臥壇席方虛管樂豪

鄧尉山中和堆山和尚華嚴法會詩

祇樹香浮說法臺遠公蓮社集宗雷青林月共幽
人住白象經持劫火來湖外晴峰當檻出夢中舊
約指花開却憐康樂山遊晚輸盡松枝麈尾才

白椎菴拜道公墓和蒼公韻紀感

乍披宿草淚潛然投老青山計未全
五月幽林花過雨百年春夢柳吹綿
幾時寒菊詩盈袖送我溪橋雪壓肩
筆墨尚留衣鉢在移牀頻許竹扉眠

謝朱望子同集周靜香自香池上

芳池碧草遠香通曲引谿橋勝未窮
停肢雨深藜榻外銜杯涼到玉笙中
爭看青掃茅齋壁靜香出所作齋客坐愛塵消竹戶風
好友招攜林澗足輕肥態任

五陵工

其二

班荆臯廡記何年重許披帷玉雪前
栗里編成堪繫晉酒鑪人邈誤游燕
時爲雲子訂刊遺集千秋風雨留琴榻
五畝雲霞富硯田謝眺登臨佳句在
好攜古錦貯山川

訓姜真源侍御吳門讌集

埋輪諫劄傳烏府誰信江湖聚酒人
時論尚憑鈞軸重國恩翻借謗書新
當年雨雪憐同調別後風波倦逐臣
芳卉勿因蕢棗變狂夫菰桂老仍辛

其二

頗聞東漢諸君傳錄牒榮名勝九遷嶺外歸人頭
漸白江南雲樹夢曾懸心傾舊雨澄清轡客坐春
風李郭船虎阜鶯花須極眺雪湖分手亦凄然

其三

樽前倚醉嵇中散海內談詩曹子桓當路氣猶消
執簡還山福總勝彈冠林開驄馬香風細柳暗黃
鸝宿露殘謠詠小停歌舞出家家玉笛倚朱欄

其四

錦石清池靜繞門琴牀塵尾韻仍存地當吳會衣

冠盛人擁名山薜荔尊東觀生徒千里駕甘陵兵
甲異時論歡塲誰奏烏栖曲天寶笙歌易斷魂

程仲玉觀察閩中過訪吳門賦此送別

芳蘭結佩十年親遠道風煙錦鯉頻何意征鴻迴
嶺嶠恰逢車馬駐江濱燈開鶴磴盤雲濕人醉驚
笙競渡新漢殿卽徵于定國好持寬大對遺民

留別彥遠

歸自淮陰爲予停帆

五

子夜吳趨錦瑟彈人歸江海各風濤誰憐縱酒嵇
中散不異揮鋤管幼安名重老仍藏著述路窮吾

轉譁饑寒西山薇蕨東山展輪與時賢白眼看

其二

闔閭煙水接蘭皋雁去空江旅思勞重到鄉山如
夢寐轉愁燕市話荆高一鉤眉月青油舫千里心
期金錯刀戰地薄游須計日耦耕相待舊蓬蒿

仲玉

方相訂
入闕

答濮源宮允

春夜雙帆燭影寒酒闌招手別湖干重逢白下啼
鶯暮一臥青山躍馬難前席姓名虛藥餌過江門

第此衣冠乘秋擊楫中流壯爲柱狂瀾百折灘

其二

風雪乖厓萬仞寒浮雲何意忽相干名連部黨投
簪細俗薄山川防面難如子丹霄甘敝屣何人白
首泥朝冠逢花共放中林屐險路孤舟暫倚灘
答澹心見遲茂苑不至之作

九年客散中林墅日斷南天有碧雲春盡江干真
繫舫徑開花下晚逢君鷓鴣聲遠潮初落薜荔山
空日未曛好共幽人商去住甘陵兵甲正紛紛

定山堂詩集

三

其二

多難餘生已白頭，別來清夢滿滄洲。
却因龍臥名山穩，轉憶猿啼嶺路愁。
黨禁詩書寬閉戶，故人顏色就歸舟。
過逢且理持螯事，嵇阮疎狂老未休。

答于皇喜予至白下四首

素交應信謀歸意，急瀨扁舟狎五羊。
雨雪夢懸千里駕，江山春入半肩裝。
長干對酒重蕭瑟，北顧迴潮轉混茫。
涼月早開三徑待，薜蘿今不似他鄉。

其二

忽漫柴荆八載過故人芳訊滿關河愁中蹤跡經
心見老去文章感事多清晝長閒緣臥病好秋相
對只高歌誰從雲壑分陶寫一減東華鬢髮皤

其三

不爲九關工勸駕名山幽客見何由飄搖轉羨梅
花節歸去懸愁剡雪舟豈有蒼生堪再誤可容紅
樹竟三秋景陽宮漏桃根水把臂全勝萬里遊

其四

坦步斜陽古巷行鍾山雲物識狂生百年吾道高

龍腹四壁秋風動馬卿
薊北煙霜羈客淚橋西
橡栗古人情翻嫌吳苑
淹移棹雨過臺城落葉
平

過于皇饑鳳軒次韻

戶外蒼山暮靄沉
牀頭蟋蟀亂秋林
坐深梧竹疑明月
老至悲歡聚客心
才厄楚江原自昔
徑逢舊雨却從今
神傷入洛空羈宦
慚媿天涯梁父吟

青溪中秋諸子讌集吳詠亭

河曲煙樹舊新亭
鍾阜雲偏對酒青
有客匡牀携好月
到門疎竹帶秋星
南枝夢穩投林鵲
團扇風

微隔幔螢肯負桂叢招隱約十年江海怨飄零

其二

橋外秋光散碧溪林中花礙葛巾低盛名總向青
樽合往事難消絳蠟啼急管哀絲分鶴憫博山沉
水記烏栖逢歡莫惜淹虬箭玉樹鐘殘綺閣西

其三

霓裘初卜五湖東四海心期薜荔中涼入關河天
似水樓開砧杵夜當風寒鴻捎堞斜侵柳露鶴移
更澹警桐罷酒蒼茫深佇立雲簾煙霧等閒空

定山堂詩集

卷四

卷四

其四

重老行藏倦倚樓青霞錦樹坐銷愁一輪霄得千
峰助萬里天同兩鬢秋鐵甲滄江停轉戰玉簫中
夜美清游總持文藻東山屐上客風流起石頭

伯紫招集孝侯臺秋眺

叢篁高柳城南路落日呼樽更上臺雙杵江山秋
盡出一城蒼翠雁斜開誰從蛟虎彈長劍實愛烟
霜犯客杯光動女牆今夜月清笳休照海潮來

其二

月明翻厭燭花紅
夜色微茫塔影東
百戰樓臺金井露
空山草木玉衣風
煙深環堵琴樽外
人立秋星戍鼓中
醉後不知林葉亂
新霜催墮景陽宮

寄候馮秋水方伯

花外春帆嶺路來
江峰日望畫船開
爭知百粵塞帷候
翻滯羣公載酒杯
間左徵求諸道急
牂牁戰伐幾時迴
煩公籌策紓民力
救世原須經國才

其二

燕臺曾識佳公子
鄴下論詩擊節同
今日江山留

定山堂詩集

七言律詩
三十五

卷三

好句始知顏謝有家風丹崖重見文章伯紫極行
瞻袞舄功回首春星亭萬里野夫頻醉海雲東

飲與治齋中

九載論詩霜月夜明燈又及早霜初故人江海同
多難別後風煙幾素書伏枕乍驚秋鬢健行杯幸
比繭絲疎離亭倚笛垂楊晚愁見雲鴻報索居

其二

尺書消息憶鄒陽心折清宵獨繞牀真喜幽人名
不辱却憐江渚稻仍荒病留筆墨諸緣減老羨金

焦一杖強世事總輸龍臥穩年來苦栢易風霜

秋日偕澹心伯紫子翥過寒玉郊園小飲竟

日

南村西閣興偏長竹裏褰衣步屨香山拔平沙青
更濶徑憐叢菊晚仍芳隔城樹色浮殘酒近寺秋
陰逼塔光臨水轉思荷芰路十年鷗鳥夢難忘

送有介還閩兼憶櫟公

醉把新詩玉雪香扁舟南去海天長風催落葉偏
分手家指紅蕉已過霜此別滄洲吾更遠百年兵

甲齎同蒼加餐爲報周公瑾老眼秋隨雁一行

答許菊溪憲使

雨過高城成拆殘雁聲吹到別筵寒心兼去住當
風滿人隔江山倚病看萬事老輸秋屐健五更愁
逐酒杯寬謝公不淺煙霞興氣象全驚彩筆干

其二

身世何堪借箸籌愛陪山簡習池游誰憐風葉遮
京口依舊寒帆下石頭張趙履占沙路近齊梁潮
送荻花秋詩篇任側當時目他夕還容對酒酬

別程端伯侍郎

幾日鵷行散路岐重驚衰柳笛邊垂殊恩黨禁容
龍臥萬事風塵驗鬢絲江左謝安原賭墅楚人宋
玉有微辭北山松桂年年約莫遣驪歌觸酒悲

其二

青溪煙月五湖寬羨汝輕鷗下急湍一自金門棲
大隱多時棋局讓長安關河夢繞雙飛翼雨雪天
留九畹蘭強飯早承宣室問蒼生目已屬林巒

贈別王子蜀隱

皖城芳草遍江皋，日有名流縱彩毫。
避地尚憐王粲井，論才欲贈呂虔刀。
九秋白社棲燈火，萬里青雲問羽毛。
從古英雄如處女，閉門先自愛蓬蒿。

孫秋我五十賦贈

岸幘城西舊酒樓，紫髯長嘯自風流。
江山再向青燈別，歲月同驚白雁秋。
名大舟車容浪跡，身輕兵甲笑封侯。
詩成安穩高詹事，開府文章尚黑頭。

真江舟中對月東杜二于皇

臺城寒月連瓜渚，人上真州送客船。
幾隔孤篷愁

好夜况逢哀雁數遙天新詩酒罷清無敵舊雨橋
西晚倍憐總信季鷹歸興早草堂梧竹已凄然

于一伯璣蒼略子翥秋我杓司伯紫澹心綺
李諸子別于燕磯

空山急雨亂清歌愁聽江聲捲白波今夜月明南
北望始憐客散道途多霜青曉壁沾離袂頭白疎
星憶女蘿此去長安無落葉灞陵殘柳意如何

其二

分鵲重爲話前期人立江船被酒時簫鼓六朝秋

竝歌關河雙涕老交垂愁中月墮如憐客別後詩
成各向誰終古名山多氣象好歌招隱代將離

扶曦枉送淮陰志感

朔風金角湧寒潮命駕人停入夜舳白首更分河
上雁紫宸還憶侍中貂關山色向驪樽滿蓋桂心
憐藥褰銷宣室正聞求舊切十年風采望連鑣

其二

霜濃醉李酒邊潮兵氣連江暗客舫別淚兩年偏
成最歸人萬里只征貂接天寒火魚龍動回首浮

雲鳩鵲銷滿眼遺民勞稷卨風塵吾已策迴鑣

八寶舟夜紀事

兵船來自黃河北徹夜風翻寶應湖廟算不緣憂
寇盜寒天何苦下蜚弧瘡痍骨斷霜偏急老病燈
昏眼易枯安得雲門消鬪伐耕桑四海一愁無

其二

至尊減膳因災變江海心懸象魏東何日征輸停
萬竈卽今闕失問三公金城戍壘還長算玉塞流
人正朔風父老十年扶杖待嫖姚已數出師功